

Broj: 20 - 1/21

Datum: 06.09.2021.godine

Na osnovu člana 96. Zakona o osnovnom odgoju i obrazovanju ("Službene novine Kantona Sarajevo" broj 23/17, 33/17, 30/19, 33/21), odredaba Pravila JU OŠ „Umihana Čuvidina“ Sarajevo, Zaključka Vlade Kantona Sarajevo broj 02-04-31997-5/21 od 26.08.2021. godine, te Preporuka Kriznog stožera F BiH za škole, Uputstva o organizaciji i realizaciji odgojno obrazovnog rada u osnovnim i srednjim školama na području Kantona Sarajevo u školskoj 2021/2022. godini broj: 11-04-34-32471-1/21 od 27.08.2021. godine i njegove Izmjene broj: 11-04-34-32471-2/21 od 06.09.2021. godine Ministarstva za odgoj i obrazovanje Kantona Sarajevo i Metodološkog uputstva za prevenciju i kontrolu infekcije sa SARSCoV 2 i oboljenja COVID 19 u osnovnim i srednjim školama u Kantonu Sarajevo, broj: 01.4-5705/21 od 06.09.2021. godine od J.U. Zavoda za javno zdravstvo Kantona Sarajevo, direktorica škole donosi

KRIZNI PLAN PRIPRAVNOSTI I ODGOVORA NA POJAVU VIRUSA COVID-19

Ovim Kriznim planom se poduzimaju preventivne zdravstveno – epidemiološke mjere u cilju sprečavanja pandemije izazvane pojavom virusa COVID-19 i usmjeravanje radnika škole, učenika, roditelja i ostalih posjetitelja JU OŠ "Umihana Čuvidina" Sarajevo.

I RADNICI ŠKOLE, UČENICI I OSTALI POSJETIOCI

Nalaže se radnicima škole, učenicima, roditeljima i ostalim posjetiocima da poštuju Naredbe Kriznog stožera Federalnog ministarstva zdravstva, Preporuke Zavoda za javno zdravstvo Federacije BiH, Zavoda za javno zdravstvo Kantona Sarajevo i Uputstava Ministarstva za odgoj i obrazovanje Kantona Sarajevo, te ostalih uputa iz ovog Plana pripravnosti kao odgovora na pojavu coronavirusa (COVID-19) i zaštite od oboljevanja na sljedeći način:

1. Smanjenje fizičkog kontakta i održavanje fizičke distance

Gore navedene osobe su u obavezi da, općenito, smanje kretanje i broj direktnih kontakata, a posebno da se pridržavaju fizičke distance na udaljenosti od najmanje 1 metra. Reducirati posjete školi i spriječiti ulazak u školu svih osoba čija posjeta nije nužna.

Učenici u školu dolaze u skladu sa odlukama i instrukcijama Ministarstva za odgoj i obrazovanje KS, a koje se tiču obima, organizacije i realizacije odgojno-obrazovnog rada u osnovnim i srednjim školama Kantona Sarajevo.

Radnici škole rade u školi/iz škole da bi obavili svoje redovne radne obaveze. Svoje dolaske evidentiraju prijavom i odjavom na elektronski sistem evidencije radnog vremena u školi, radi lakšeg naknadnog epidemiološkog praćenja kontakata u slučaju pojave bolesti COVID-19. Radno vrijeme svih radnika škole utvrđeno je prema rasporedu časova i drugim obavezama predviđenim 40-satnom radnom sedmicom, a prema odluci direktorice.

2. Protokol ulaska i boravka u školi

- Dezinficirati obuću na podlozi za dezinfekciju koja je postavljena na ulazu
- Dezinficirati ruke dezinfekcionim sredstvom postavljenim na ulazu
- Škole zadržavaju pravo mjerenja temperature, prilikom ulaska u školu, izmjeri se temperatura, pomoću bezkontaktnog toplomjera. Ukoliko učenik ima povišenu temperaturu na ulasku u školi odводи se u prostoriju za izolaciju (kabinet njemačkog jezika, preko puta kancelarije pedagoga škole), te se o tome obavijesti roditelj
- Ruke je potrebno dezinficirati prilikom svakog ulaska u učionice, kabinete, sportsku salu, i ostale prostorije dezinfekcionim sredstvom koje se nalazi na ulazima.
- Učenici su obavezni da, općenito, smanje kretanja po školi i broj direktnih kontakata, a posebno da se pridržavaju fizičke distance na udaljenosti od minimalno 1 metra

- Kretanje učenika po hodnicima, holovima i stepeništima se vrši isključivo desnom stranom u kolonama, bez zadržavanja i grupiranja u cilju smanjenja bliskih kontakata učenika različitih grupa/odjeljenja
- Učenici koriste učionice, kabinete ili sportsku salu prema predviđenom rasporedu korištenja, odnosno mijenjaju učionice, kabinete i ostale prostorije isključivo prema dogovorenom planu i rasporedu
- Učenici se obavezno pridržavaju higijensko-epidemioloških mjera na nastavi sporta, a prema uputama nastavnika sporta
- Tokom velikog odmora učenici mogu izlaziti vani i kretati se radi obavljanja fizioloških i drugih potreba, uz pojačan nadzor i praćenje od strane dežurnih nastavnika i strogo poštovanje važećih epidemioloških mjera, dok su za vrijeme trajanja velikog odmora dežurni nastavnici i učenici redari dužni izvršiti provjetravanje učionica i provesti neophodne higijensko-epidemiološke mjere
- Korištenje školske kantine, te konzumacija hrane i pića, vršit će se preko narudžbi kod odjeljenjskih redara koji će zatim preuzeti i podijeliti učenicima naručeno
- Dežurni nastavnici i svi ostali nastavnici imaju obavezu da prate ponašanje učenika tokom boravka u školi i upozoravaju učenike na poštivanje propisanih mjera, ukoliko primjete da određeni učenici i nakon opomene ne poštuju mjere, učenika prijavljuju razredniku i stručnoj službi
- Za vrijeme boravka u školi (od ulaska u školu do izlaska iz škole), u svim prostorijama obavezno se koristi zaštitna maska (pravilno, preko usta i nosa). Zaštitnu masku ne moraju nositi samo učenici koji zbog specifičnih bolesti imaju probleme s disanjem, osobe sa poteškoćama u govoru i oštećenjima sluha
- Tokom boravka u unutrašnjim prostorijama škole, ruke se peru više puta dnevno i dezinficiraju sredstvima za dezinfekciju koja se nalaze na vidljivim mjestima u toaletima, hodnicima i ispred učionica/kabineta
- Prilikom kašljanja i kihanja obavezno je pokriti nos i usta
- Redari se obavezuju da unutrašnje prostorije redovno provjetravaju
- Preporučuje se svim učenicima da svoje klupe dezinficiraju prije korištenja, a naročito nakon promjene kabineta/učionice
- Po završetku nastave i ostalih vannastavnih aktivnosti, učenici trebaju što prije da napuste prostorije škole i da se ne zadržavaju nepotrebno u prostorijama škole

3. Obaveza obavještavanja u slučaju pojave simptoma COVID-19

- Svi učenici, u slučaju pojave simptoma COVID-19 ili sezonske gripe i drugih sumnji na bilo koju bolest obavezni su ostati kod kuće, te o tome obavijestiti nadležnu zdravstvenu ustanovu kako bi dobili adekvatne upute i liječnički tretman. Učenici su obavezni obavijestiti razrednika o pojavi bolesti COVID-19. Na isti način dužnost svih učenika je postupiti i u slučaju kontakta sa oboljelim osobom od virusa COVID-19 i u tim slučajevima učenik se upućuje preventivno na praćenje nastave od kuće u trajanju od 15 dana.
- Ukoliko je učenik u školi osjetio prve simptome bolesti, dužan je da to prijavi i da se odmah izoluje u prostoriju za izolaciju, zatim se obavještava roditelj, koji je dužan doći po učenika i kontaktirati zdravstvenu ustanovu
- Ukoliko učenik razvije bilo koji od simptoma COVID-19 ili sezonske gripe u školi, učenik se izoluje u posebnu prostoriju za izolaciju (kabinet njemačkog jezika), nastavnik ili drugo ovlašteno lice škole poziva roditelje/staratelje učenika da odmah dođu po učenika u školu i obrate se nadležnom ljekaru. Dok ovlašteno lice škole kontaktira roditelje i dok roditelji ne preuzmu učenika, za učenika se obezbjeđuje briga u školi
- Ukoliko dođe do potvrde infekcije COVID-19 kod učenika/ili nastavnika, ostatak odjeljenja nastavlja raditi po ustaljenom modelu uz nastavak poštivanja svih epidemioloških mjera
- Odgovornost roditelja je da na dnevnoj bazi kontrolišu tjelesnu temperaturu učenika prije i poslije škole.
- Obaveza roditelja je da ne šalju učenike u školu ukoliko imaju bilo kakve simptome COVID-19 ili sezonske gripe, nego da se jave nadležnim zdravstvenim ustanovama u traže dalja ljekarska uputstva za liječenje učenika
- Obaveza roditelja je da školu obavijeste o eventualnim slučajevima infekcije COVID-19 u krugu porodice
- U slučaju da roditelji prijave školi da je porodica/učenik imala kontakt sa inficiranom osobom, učenik se preventivno upućuje na pohađanje online nastave u trajanju od 15 dana
- Svi radnici škole u slučaju pojave simptoma COVID-19 ili sezonske gripe obavezni su ostati kod kuće, te o tome obavijestiti nadležnu zdravstvenu ustanovu kako bi dobili adekvatne upute i liječnički tretman i obavezno o tome obavijestiti direktoricu škole
- Svaki radnik koji tokom radnog vremena posumnja ili utvrdi da ima povišenu temperaturu ili bilo kakve respiratorne ili druge simptome bolesti povezane sa simptomima COVID-a, obavezno to prijavljuje direktorici i nadležnoj zdravstvenoj ustanovi, kako bi se dobili savjeti i instrukcije. Ukoliko zdravstveno stanje radnika to dozvoljava, a posao je moguće obavljati online putem, u dogovoru sa direktoricom škole, radnik može nastaviti da nesmetano obavlja svoj posao
- Radnik ne dolazi u školu do konačnog mišljenja o zdravstvenom stanju radnika od strane nadležnih zdravstvenih službi i mišljenja o bezbjednosti, radi ponovnog stupanja na posao.

II MJERE HIGIJENE

Svi radnici i učenici su dužni pridržavati se mjera higijene izdatih od nadležnih institucija.

U cilju poduzimanja mjera radi sprečavanja epidemije COVID-19 pored gore navedenih pravila ponašanja, direktorica škole će:

- Obezbijediti da škola ima na raspolaganju dovoljnu količinu sredstava za dezinfekciju koja će biti na raspolaganju radnicima/učenicima i drugim posjetiocima škole.
- Pojačati nivo higijene školskih prostorija korištenjem sredstava za dezinfekciju prilikom čišćenja prostorija škole, posebno pojačano čišćenje i dezinfekcija sanitarnih čvorova, vrata, hodnika, ulaza i drugih površina
- Izvršavati redovne dezinfekcije prostorija škole
- Provjetravanje, čišćenje i dezinfekcija prostora će se provoditi u skladu sa Smjernicama za prevenciju i kontrolu infekcije COVID-19 u osnovnim i srednjim školama u Kantonu Sarajevo JU Zavoda za javno zdravstvo Kantona Sarajevo, i to naročito preporuke za održavanje prostorija i opreme i upute za čišćenje
- Ostvarivati kontakte i saradnju sa JU Zavod za javno zdravlje KS i JU Dom zdravlja KS.

III PREPORUKE RADNICIMA I UČENICIMA

Svakodnevno praćenje i djelovanje u skladu sa naredbama, uputstvima i ostalim aktima nadležnih institucija i službi.

Krizni plan pripravnosti može se promijeniti u skladu sa epidemiološkom situacijom, te naredbama i preporukama Federalnog ministarstva zdravstva, Ministarstva zdravstva Kantona Sarajevo, federalnih i kantonalnih Zavoda za javno zdravlje i Ministarstva za odgoj i obrazovanje KS.

Preporučuje se redovno informisanje putem web stranice Federalnog ministarstva zdravstva, <https://covid19.fmoh.gov.ba/>

Brošura o COVID-19 sa svim informacijama nalazi se na <https://szks.ba/covid-19/>

IV OSTALE MJERE

1. Operativni tim za dalje poduzimanje neophodnih aktivnosti

Direktorica škole imenuje Tim za dalje poduzimanje neophodnih aktivnosti u vezi sa sprečavanjem širenja zaraze u radnim prostorijama škole, te u vezi sa istim donosi potrebna uputstva i instrukcije.

Tim za praćenje implementacije Kriznog plana na nivou škole vodi vlastitu evidenciju, prate evidencije nastavnika, dežurnih nastavnika i higijeničara u skladu sa tabelama (Kontrolne liste za škole dostavljene od JU Zavod za javno zdravstvo KS), te prate primjenu i implementaciju mjera zaštite od COVID-a, i u saradnji sa pedagogom škole prati epidemiološku situaciju u odjeljenjima i među radnicima škole.

2. Prijave u vezi sa nepoštivanjem propisanih mjera

Sve prijave u vezi sa nepoštivanjem propisanih mjera utvrđenih ovim Kriznim planom dostavljaju se navedenom Timu.

3. Nepridržavanje mjera utvrđenih Kriznim planom

Nepridržavanje mjera utvrđenih ovim Kriznim planom predstavlja kršenje odredbi Zakona o zaštiti stanovništva od zaraznih bolesti ("Službene novine F BiH", broj: 29/05).

V STUPANJE NA SNAGU

Krizni plan pripravnosti stupa na snagu danom donošenja i isti će biti objavljen na stranici škole, dostavljen svim radnicima škole putem e-maila i oglasnim pločama.

Ovaj Krizni plan mijenjat će se i dopunjavati shodno preporukama i naredbama nadležnih organa. Sve informacije i obavještenja koja se odnose na okolnosti u pogledu prevencije i zaštite širenja virusa potrebno je dostaviti na e-mail adresu škole umihanac@bih.net.ba

Sastavni dio ovog Plana čine smjernice za prevenciju i kontrolu infekcije COVID-19 u osnovnim i srednjim školama u Kantonu Sarajevo koje donosi JU Zavod za javno zdravstvo KS, kao i edukacijski posteri, evidencione i kontrolne liste.

Dostavljeno:

1. Oglasna ploča,
2. Arhiva.



Direktorica škole:

Kazazić
Anela Kazazić, prof.